



Broj: NO-225-IV/18
Dana: 09.03.2018.god.

Na osnovu člana 69. i člana 70. stav (4) i (6) Zakona o javnim nabavkama („Službeni glasnik BiH“, br. 39/14), odredbama iz člana 24. Procedure o javnim nabavkama roba, usluga i radova broj: NO-028-IV/18 od 31.01.2018.god., te na osnovu člana 9. Statuta JP „Visoko Ekoenergija“ d.o.o. Visoko, Nadzorni odbor je na svojoj V sjednici održanoj dana, 09.03.2018.god., jednoglasno donio sljedeću:

ODLUKU
o poništenju postupka javne nabavke

Član 1.

Poništava se otvoreni postupak javne nabavke objavljen na Portalu javnih nabavki Obavještenjem broj: 10330-1-1-1-3-1/18 od 02.02.2018.god., i to:

➤ Lot - 1 Pehd cijevi	procijenjena vrijednost	= 171.000,00 KM
➤ Lot - 2 Pehd spojni elementi	procijenjena vrijednost	= 50.000,00 KM
➤ Lot - 3 Uređaji za zavarivanje	procijenjena vrijednost	= 20.000,00 KM
➤ mjerni, regulacioni i mjerno regulacioni set,	procijenjena vr.	= 346.000,00 KM
➤ regulacionih reonskih stanica	procijenjena vrijednost	= 210.400,00 KM

zbog dokazanih i uvaženih razloga iz uložene žalbe od ponuđača **BE-HA PROMO d.o.o. Sarajevo** broj: 23/2018.god. od 07.03.2018.god.

Član 2.

U skladu sa Planom javnih nabavki za 2018.godinu, javna nabavka putem otvorenog postupka, pokrenuta:

Odlukom o pokretanju postupka javne nabavke broj: NO-030-IV/18 od 31.01.2018.god. i to:

Lot - 1 Pehd cijevi	procijenjena vrijednost Lot-a	= 171.000,00 KM (bez PDV-a)
Lot - 2 Pehd spojni elementi	procijenjena vrijednost Lot-a	= 50.000,00 KM (bez PDV-a)
Lot - 3 Uređaji za zavarivanje	procijenjena vrijednost Lot-a	= 20.000,00 KM (bez PDV-a)

Odlukom o pokretanju postupka javne nabavke broj: NO-031-IV/18 od 31.01.2018.god. i to:

Mjerni, regulacioni i mjerno regulacioni setova, procijenjena vrijednost = 346.000,00 KM (bez PDV-a)

Odlukom o pokretanju postupka javne nabavke broj: NO-03-IV/18 od 31.01.2018.god. i to:

Regulacionih reonskih stanica procijenjena vrijednost = 210.400,00 KM (bez PDV-a)

Član 3.

U postupku pravne zaštite, žalilac **BE-HA PROMO d.o.o. Sarajevo**, je izjavio žalbu Ugovornom organu. Žalba je podnesena u dovoljnom broju primjeraka (tri), Ugovornom organu, dana 07.03.2018. godine.

O b r a z l o ž e n j e

Postupajući po žalbi, a na osnovu člana 100. stav (1) Zakona o javnim nabavkama, („Sl. glasnik BiH“, br. 39/14), Ugovorni organ je utvrdio da je žalba blagovremena, dopuštena i izjavljena od strane ovlaštenog lica, te da je u cjelosti osnovana.

Žalilac **BE-HA PROMO d.o.o. Sarajevo**, podnesenom žalbom pobija objavljene Tenderske dokumentacije (Obavještenje o nabavci broj: 10330-1-1-3-1/18 od 02.02.2018.god.) i to sljedećim navodima:

➤ ***Neusklađenost predmeta nabavke sa obrascem za cijenu ponude;***

Žalilac u svojoj žalbi nije naveo u kojoj je tenderskoj dokumentaciji uočena neusklađenost predmeta nabavke sa obrascem za cijenu ponude.

Smatramo da su svi obrasci sa za cijenu ponude – robe u svim tenderskim dokumentacijama u skladu sa premetima nabavke.

➤ ***Pogrešna objava Obavještenja 5 (pet) tenderskih dokumentacija objavljeno pod jednim Obavještenjem, što dovodi do neusklađenosti i dvosmislenosti;***

Članom 35. Zakona o javnim nabavkama („Sl. glasnik BiH“, br. 39/14), regulisano je na koji način se objavljuje obavještenje o nabavci svim zainteresovanim privrednim subjektima koje treba pružiti dovoljno informacija koje će im omogućiti da ocijene da li imaju interes da učestvuju u postupku javne nabavke.

Ugovorni organ je izvršio objavu pet (5) tenderskih dokumentacija pod jednim Obavještenjem. Tenderske dokumentacije koje se odnose na lotove čine jedan postupak i u tim tenderskim dokumentacijama je naglašena podjela na lotove koja je izvršena u okviru predmeta nabavke, prema srodnosti i odgovara istoj kategoriji te da ponuđači mogu dati ponudu za jedan lot, dva lota ili za sve lotove.

Međutim tenderske dokumentacije koje se odnose na:

1. Regulaciona reonska stanica,

2. Mjerni, regulacioni i mjerno regulacioni setovi,

nisu vezane za postupak javne nabavke koji je podijeljen na lotove te čine zasebnu cjelinu. Za ove tenderske dokumentacije je trebalo objaviti posebna Obavještenja jer su i pokrenuta kao odvojeni postupci posebnim odlukama.

U skladu sa navedenim uvažava se data primjedba od strane žalitelja da su objavljene tenderske dokumentacije neusklađene i da dovode do dvosmislenosti i samim tim su u suprotnosti sa članom 16. Zakona o javnim nabavkama („Sl. glasnik BiH“, br. 39/14)

➤ ***Glavni CPV kod na Obavještenju o nabavci je drugačiji u odnosu na predmet nabavke, tako da nije jasno o čemu se tačno radi i ponuđače dovodi u zabludu.***

Članom 38. Zakona o javnim nabavkama („Sl. glasnik BiH“, br. 39/14), Ugovorni organ je obavezan da u Obavještenju o nabavci i tenderskoj dokumentaciji, prilikom opisa predmeta nabavke, se pozove na oznake i nazive iz jedinstvenog riječnika javne nabavke.

Odlukom o korištenju jedinstvenog riječnika javnih nabavki („Sl. glasnik BiH“, broj 54/15), definiše se uvođenje i korištenje Jedinstvenog rječnika javnih nabavki, koji sadrži brojčane oznake uz opis robe, radova i usluga koje čine predmet nabavke, kao i uslovi primjene JRJN

JRJN se temelji na strukturi koja sadrži brojčane oznake od najviše devet brojeva uz koje se nalazi tekst koji opisuje robu, usluge ili radove koji čine predmet nabavke.

Na osnovu navoda iz žalbe utvrđeno je da CPV kod iz obavještenja u nabavci ne odgovara CPV kodu iz tenderskih dokumentacija i samim tim nije osigurana pravična i aktivna konkurencija prema kandidatima koji su registrovani za obavljanje djelatnosti u postupku javne nabavke te se u potpunosti uvažava žalbeni navod žalitelja.

Član 4.

U skladu sa odredbom člana 100. stav (3), blagovremeno, u roku od 5 dana od datuma zaprimanja žalbe, te osvrćući se na žalbene navode žalitelja, koje su u cjelosti osnovane, Ugovorni organ donosi Odluku o poništavanju postupka javne nabavke, te o tome obavještava sve učesnike u postupku javne nabavke na način određen Zakonom o javnim nabavkama („Sl. glasnik BiH“, br. 39/14), u roku od pet (5) dana od dana prijema žalbe.

Član 5.

Odluka stupa na snagu danom donošenja.

Pouka o pravnom lijeku:

Protiv ove Odluke a shodno članu 100. stav (4), Zakonom o javnim nabavkama („Sl. glasnik BiH“, br. 39/14), može se izjaviti žalba URŽ-u, putem Ugovornog organa, u roku od pet (5) dana od dana prijema Odluke o poništenju javne nabavke.



Predsjednik Nadzornog odbora

Mr.sci. Nermin Kadrić

Dostaviti:

- Nadzorni odbor JP „Visoko Ekoenergija“ d.o.o, Visoko, 3x,
- Komisija za javne nabavke,
- Svim ponuđačima koji su preuzeli TD sa portala E-nabavke,
- a/a